



Ma choimheadas tu gu mionaideach air rùsg chraobhan agus air duilleagan chì thu meanbh-fhrìdean a' falach an-sin. Gu math tric tha pàtran breac air sgiathan leòmainn no tha an aon dath air na meanbh-fhrìdean 's a tha air a' chraobh no an duilleag. 'S e breug-riochd a chanas sinn ri seo.

Tha aon seòrsa fungus, ris an canar agairig phuinnseanta, dearg le spotan geala. Sin an seòrsa air am bi thu a' faicinn luchrabain gàrraidh a' suidhe! Ach tha i phuinnseanta agus tha a dath soilleir dearg a' toirt rabhadh do bheathaichean ('s daoine) gun a h-ithe.

Tha sriopan soilleir buidhe agus dubh air speach. Tha seo airson innse do fheòil-itheadairean gu bheil gath puinnseanta ann agus gu bheil e ri sheachnadh. 'S e dathan rabhaidh a tha air dathan soilleir air beathaichean is lusan cunnartach.

Ach thoir an aire, tha cuid de bhalgain-buachrach agus dearcannach nach eil a' toirt rabhadh le dathain soilleir. Cuideachd, tha cuid de bheathaichean neo-chronach gar mealladh. Tha hoverflies a' toirt a chreids oirnn gu bheil iad phuinnseanta le bhith a samhlachadh speach le sriopan dubh is buidhe. 'S e atharrais a th' air an-seo.



Tha dathan soilleir air mòran fhlùran mar am fuath-mhuc agus an urrach-bhallach airson meanbh-fhrìdean a tharraing gus am poileanachadh. Mar as tric tha iad a' dèanamh lionn milis ris an can sinn neachtar, airson meanbh-fhrìdean a thàladh. Tha fàileadh cùbhraidh bho fhlùran eile. Aon uair agus a tha am flùr air a phoileanachadh tha e a' dèanamh sìol a nì flùran ùra an ath earrach.

